

走投予于常州。余时力薄，勉力谋一安身之地，非其志也。十年又同逃崇明，荐之县署，益窘迫不得志而死，旅榭无归计，负之实甚。奈何！奈何！

二十四日癸酉。阴，细雨。

访雨之。孝拱来访，同孝拱至其寓，以昨约吾兄相候于彼也。并晤朱菴卿，康寿，杭州人，八年识之。又得见燕山。共饭后，吾兄为吾觅居，即定下榻汪少堂家，下午，阿哥去。傍晚，邹君蓉阁亦来孝拱处，遂同到新寓。主人少堂住局中，与乾甫谈话。闻孝拱言，弢老临歿有诗云：“虽无事业千秋后，却有工夫一寸中。撒手归途真浩荡，鹤翎定不坠江风。”观此语，先生慧命不绝矣。

585

二十五日甲戌。阴雨。

访孝拱不遇，写徐雨之信。钱子明来。闻李中丞已至，即到城外谒之，相见久谭，即留住并晚间便饭。候钱芝门、陈子挺、杨藕舫，无锡人，艺舫之弟。并晤杨艺舫。是夜与吾兄联榻，已睡而抚君至，闻既卧乃去。是日孝拱、秦淡如到吾寓。

接汪雨人本日信。

二十六日乙亥。雨。

写中堂启。二十八日发交筠仙。候徐少厓，吴江人。昨晚同席也。访刘听襄、秦淡如，再谒中丞，并晤筠仙观察。饭后返寓，晤居停汪少堂。袁伯襄、张子安来。衣谷今日从江北归，即来访，握手甚喜。龚慎甫来。同衣谷到孝拱处，夜饭后同归。燕山来。

上揆帅启

奉辞后，沿路担搁，二十一日始至上海。中丞方亲剿黄渡之贼未返，命带公牒及传白言语，即日专函敬致讷。二十三日晤筠仙观察，知中丞行营口大获胜仗，军锋所指，无坚不摧，沪邦颂声，溢于人口，其日内细情，想即有军报矣。迨日未审上游军事何如？不胜念虑。

〔烈〕十九日过金陵，遥望雨花台大营，隐约可睹，夹江内舟师旌旆云屯，军容甚壮。贼水路止下关十馀舟，而我水陆相联，